

Fárren Supmii dahje Suomas olgoriikii

OANEHAČČAT JA ČIELGASIT



Sisdoallu

Kela doarjagat riikkaidgaskasaš diliin	3
Juos fárret Supmii	8
Juos fárret Suomas olgoriikii	14
Fárrenalmmuhus ja doarjagiid ohcan	20
Ná Kela bálvala	23

Kela doarjagat riikkaidgaskasaš diliin

Kela máksá ruđalaš doarjaga iešgudege eallindiliin.
Dán gihppagis mitaluvvo,
mainna eavttuin sáhtát oažžut Kela doarjagiid,
go fárret Supmii.

Gihpa mitala maiddái, mii du sosiáladorvui dáhpáhuvvá,
go fárret eret Suomas.

Gihppaga loahpas leat diedut das,
mo sáhtá almmuhit nuppástusas
ja mo sáhtá ohcat Kela doarjagiid.

Gihpa mitala jagi 2021 dilis.



Lassidiehtu nehtas ja telefovnnas

Kela doarjagiid birra mitaluvvo
davvisámegillii čujuhusas
www.kela.fi/davvisamegillii

Riikkaidgaskasaš diliid birra mitaluvvo
dárkileappot Kela suomagielat siidduin
www.kela.fi/kansainvaliset-tilanteet



Juos dus leat jearaldagat,
sáhtát riŋget bálvalannummirii
020 634 0200

Maid dárkkuha sosiáladorvu?

Suoma sosiáladorvu dárkkuha vuoigatvuođa ovdamearkka dihte ealáhagaide, buohccedikšui ja Kela doarjagiidda.

Kela doarjagat leat ovdamearkka dihte

- álbmotealáhat, dáhkádusealáhat ja eará ealáhatolbmuid doarjagat
- almmolaš ássandoarjja
- buohccámii laktáseaddji doarjagat
- bargguhis olbmo vuodđodorvu
- stuđeantta doarjagat
- mánnábearrašiidda dárkkuhuvvon doarjagat.

Gii sáhtta oazžut Kela doarjagiid?

Sáhtát dábálaččat oazžut Kela doarjagiid, juos ásat Suomas fásta dahje barggat Suomas ja du bálká lea unnimustá sulaid 726 euro mánotbajis.

Spiehkastahkan lea, juos ásat Suomas fásta muhto barggat nuppi Eurohpá uniovnna riikkas. Dalle it dábálaččat oáččo Kela doarjagiid.

Go fárret Supmii, doarjagiid oazžumii váikkuha dat, fárretgo Supmii

- muhtun Davviriikkas
- muhtun Eurohpá uniovnna (EU) dahje Eurohpá dálldoalloguovllu (Edg) riikkas dahje Sveiccas
- riikkas, mainna Suomas lea sosiáladorvosohpamuš.

EU-riikkat leat

- Suopma
- Belgia
- Bulgaria
- Dánmárku
- Duiska
- Espánnja
- Estteeana
- Frankriika
- Greika
- Hollánda
- Irlánda
- Itália
- Kroatia
- Kypros
- Latvia
- Lietuva
- Luxemburga
- Malta
- Nuortariika
- Portugala
- Polska
- Romania
- Ruotta
- Slovakia
- Slovenia
- Čekkia
- Ungar.

Stuorra-Británna earránii EU:s jagi 2020.

Loga lasi dán fáttá birra:

www.kela.fi/brexit

Edg-riikkat leat

- Eurohpá uniovnna riikkat
- Islánda
- Liechtenstein
- Norga.

Suomas lea sosiáladorvvu guoskevaš soahpamuš čuovvovaš riikkaiguin:

- Austrália
- Chile
- Davviriikkat
- India
- Israel
- Kanáda (ja Quebec)
- Kiinná
- Mátta-Korea
- Ovtastuvvan Stáhtat.

Doarjaga oažžumii váikkuha lassín dat, fárretgo Supmii

- bargin dahje fitnodatdoallin
- studeantan
- bearašlahttun
- sáddejuvvon bargin.

Juos dus lea vuoigatvuohta Kela dikšun buohcodjui, oaččut Kela-koartta.

Mii lea fásta ássan?

Ásat Suomas fásta dahjege bissovaččat, juos dus lea dáppe aitosaš visti ja ruoktu ja juos orut unnimustá beali iežat áiggis dáppe.

Go fárret Supmii, Kela árvvoštallá, ásatgo Suomas fásta. Árvvoštallamis váldojuvvo vuhtii du dilli oppalaččat.

Dillái váikkuhit ovdamearkka dihte čuovvovaš áššit:

- Máhcátgo olgoriikkain ruovttoluotta Supmii ássat?
- Leago dus bargosoahpamuš dakkár barggu várás, man barggat Suomas?
- Ásságo du náittosguoibmi dahje eará lagaš bearašlahttu Suomas fásta?

Juos fárret Supmii gaskaboddasaččat, dus ii dábálaččat leat vuoigatvuohta Kela doarjagiidda. Ovdamearkka dihte dorvobáikeohccis ii leat vuoigatvuohta Kela doarjagiidda.

Juos fárret Supmii

Bargin Supmii

Sáhtát oažžut Kela doarjagiid, juos barggat Suomas.
Dalle don it dárbbáš ássat Suomas fásta.

Dus lea vuoigatvuohta Kela doarjagiidda,
juos du bálká lea unnimustá sulaid 726 euro mánotbajis.

Juos barggat Suomas unnimustá 6 mánotbaji,
dus lea vuoigatvuohta Kela máksán doarjagiidda
3 mánotbaji áigge dan maŋŋá,
go leat heaitán bargamis.

Juos dus lea Suomas ruoktogiella,
oaččut divššu almmolaš dearvvasvuodafuolahusas.
Don dikšojuvvo dábálaččat iežat gieldda
dearvvasvuodaguovddážiis.
Juos boadát Supmii bargui ja dus ii leat ruoktogiella,
bivdde Kela čielggadit, leago dus vuoigatvuohta almmolaš
dearvvasvuodafuolahussii.

Sosiáladorvosoahpamušriikkain fárren bargit

Suopma lea dahkan sosiáladorvvo guoskevaš soahpamušaid
muhtun riikkaiguin. Dát riikkat leat

- Austrália
- Chile
- Davviriikkat
- India
- Israel
- Kanáda (ja Quebec)
- Kiinná
- Máтта-Korea
- Ovtastuvvan Stáhtat.

Soahpamušat gusket dábálaččat ealáhagaid.
Juos boadát dain riikkain, dárkkis Kelas,
mo soahpamušat váikkuhit du sosiáladorvui.

Sáddejuvvon bargit

Juos du bargoaddi sádde du Supmii bargui
eará go EU-riikkas, Edg-riikkas dahje Sveiccas,
dutnje gusket seamma njuolggadusat
go eará Supmii fárren bargiide.
Dus lea nappo vuoigatvuohta Kela doarjagiidda,
juos fárret Supmii bissovaččat dahje
juos du bálká lea unnimustá sulaid 726 euro mánotbajis.

Juos boadát sáddejuvvon bargin
nuppi EU-riikkas, Edg-riikkas dahje Sveiccas,
gulat du vuolginriikka sosiáladorvui.
Oaččut buohccádettiin divššu Suomas
seamma haddái go Suomas ássi olbmot,
juos dus lea eurohpaláš buohccedikšunkoarta.
Oaččut koartta iežat vuolginriikkas.
Vuolginriikka virgeoapmahaš addá dutnje A1-duodaštusa das,
ahte bargoaddi lea sádden du Supmii bargui.

Juos boadát sáddejuvvon bargin riikkas,
mainna Suomas lea sosiáladorvosoahpamuš,
oaččut soahpamušas máinnašuvvon doarjagiid vuolginriikkas.
Sáhtát oažžut eará go sosiáladorvosoahpamušas
máinnašuvvon doarjagiid Suomas,
juos leat fárren deike bissovaččat dahje du bálká lea
unnimustá 726 euro mánotbajis.

Bargui vuodđuduvvi eará go Kela sosiáladorvu

Juos barggat Suomas,
sáhtát oažžut maiddái bargui vuodđuduvvui sosiáladorvvu.
Dat leat ovdamearkka dihte bargoealáhat,
dietnasii čadnojuvvon bargguhisvuodadorvu ja
bargodáhpedorpmiide ja ámmátdávddaide gullelaš doarjagat.
Daid mákset priváhta dáhkádusfitnodagat ja foanddat.
Kela ii nappo mávsse daid.

Earát go bargit

Bearašlahtut

Juos fárret Supmii bargi dahje studeantta bearašlahttun,
fertet dábálaččat ássat Suomas fásta,
vai sáhtát oažžut Kela doarjagiid.

Juos leat EU-riikkas, Edg-riikkas dahje Sveiccas
boahtán bargi bearašlahttu,
sáhtát oažžut buohccedivššu, mánáidruđa
ja mánáid ruoktodikšundoarjaga,
vaikke it ieš ásašii Suomas dahje
vaikke ásat dáppe dušše gaskaboddasaččat.

Muhtun riikkaiguin dahkkojuvvon sosiáladorvosohpamušat
sáhttet váikkuhit maiddái bearašlahtuid sosiáladorvvui.

Sáddejuvvon bargiid bearašlahtut bissot dábálaččat
vuolginriikka sosiáladorvvus.

Studeanttat

Juos fárret Supmii eará go EU-riikkas dušše studerema dihtii,
sáhtát oažžut Kela doarjagiid,
juos oahput bistet unnimustá 2 jagi.
It sáhte goittotge oažžut buot Kela doarjagiid,
ovdamearkka dihte ássandoarjaga dahje etniiddoarjaga.

EU-riikkain boahtán studeanttat
eai dábálaččat oaččo Kela doarjagiid.
Dus sáhtá goittotge leat vuoigatvuohta Kela doarjagiidda,
juos studerema lassin barggat Suomas.
It goittotge dábálaččat sáhte oažžut oahppodoarjaga Suomas.

Juos fárret Supmii studerema dihtii, dárkkis Kelas,
sáhtátgo oažžut oahppodoarjaga.





Kela doarjagiidda gullelaš eavttut

Sáhtát oažžut Kela doarjagiid dábálaččat dan beaivvi rájes, go fárret Supmii.

Muhtun doarjagat máksojuvvojit goittotge dušše daidda, geat leat ássan Suomas dihto áiggi ovdal doarjaga miediheami.

Dát doarjagat leat ovdamearkka dihte

- etniidruhta, áhčiidruhta ja vanhemiidruhta
- Kela máksán bargguhisvuodadorvvu vuodđobeaveruhta
- Kela ealáhagat
- badjel 16-jahkásačča lápmásiiddoarjja.

Muhtun doarjagiid miediheamis Kela váldá vuhtii bajiid, goas don leat leamašan buohcoajus nuppi EU-riikkas, Edg-riikkas dahje Sveiccas.

Sáhtát ovdamearkka dihte oažžut etniidruđa, go leat bargan Suomas dahje ássan Suomas fásta 180 beaivvi njuolga ovdal máná rehkenastojuvvon rieđadanáiggi.

Dán áigodahkii sáhttá dohkkehuvvot maiddái áigodat, goas don leat ássan ja leamašan buohcoajus nuppi EU-riikkas, Edg-riikkas dahje Sveiccas.

Juos fárret Suomas olgoriikii

Juos fárret Suomas olgoriikii, almmut das Kelai,
juos dutnje máksojuvvo juoga Kela doarjja.

Almmut Kelai maddái, juos du eallindilli nuppástuvvá dalle,
go leat olgoriikkain.

Nuppástus sáhtá leat ovdamearkka dihte

- oahpuid álggaheapmi dahje heaittiheapmi
- barggu álggaheapmi dahje heaittiheapmi
- nuppástus bearašgaskavuodain, dego earráneapmi dahje oktiifárren beallelaččaign.

Gaskaboddasaš vai fásta fárren?

Vuoigatvuodát Kela doarjagiidda čovdojuvvo dábálaččat dan vuodul, man guhká áiggot leat olgoriikkain.

Juos áiggot leat olgoriikkain vuollel 6 mánotbaji, dus lea dan áigodagas dábálaččat vuoigatvuohka Kela ealáhagaide, mánáidruhtii, etniiddoarjagii ja eará mánnábearrašiid doarjagiidda.

Juos fárret olgoriikii bissovaččat, it dábálaččat šat sáhte oažžut Kela doarjagiid. Fárren gehččojuvvo bissovažžan, juos áiggot ássat olgoriikkain guhkit go 6 mánotbaji. Dalle vuoigatvuohka Kela doarjagiidda nohká dábálaččat dalán, go fárret eret Suomas. 6 mánotbaji áigerájis sáhtá ložžet, juos fárret Suomas nuppi EU-riikii, Edg-riikii dahje Sveicii gaskaboddasaččat.

Go fárret nuppi riikii, váldde čielgasa, sáhtátgo oažžut doarjagiid odđa ássanriikkas.

Juos barggat stáhta virggis, dus lea vuoigatvuohka Kela doarjagiidda maddái dalle, go ásat olgoriikkain.

Juos du bearašlahtut fárrejit ovttas duinna, sii fertejit almmuhit fárremis Kelai.

Maddái ovdamearkka dihte stuđeanttain ja sáddejuvvon bargiin sáhtá leat vuoigatvuohka Kela doarjagiidda, vaikke sii orošedje olgoriikkain badjel 6 mánotbaji.

Oassi jagis olgoriikkain

Juos lávet orrut olgoriikkain badjel jahkebeali jahkásaččat, dus ii dábálaččat leat vuoigatvuohka Kela doarjagiidda. 6 mánotbaji áigerájis sáhtá ložžet, juos ásat oasi jagis muhtun EU-riikkas, Edg-riikkas dahje Sveiccas.

Bargus olgoriikkain

Bargan EU-riikkas, Edg-riikkas dahje Sveiccas

Juos manat bargui muhtun EU-riikii, Edg-riikii dahje Sveicii, oanehašge bargan váikkuha nie, ahte dus ii leat šat vuoigatvuohka Kela doarjagiidda.

Sáhtát goittotge oažžut doarjaga dan riikkas, gos barggat. Sáhtát oažžut doarjaga, vaikko it ásaše dan riikkas, gos barggat.

Bargit gullet dušše ovttá riikka sosiáladorvui hávállassii. It nappo sáhte seamma áigge gullat Suoma sosiáladorvui, juos gulat muhtun eará riikka sosiáladorvui.

Rádjebargit

Rádjebargi lea olmmoš, guhte máhccá
jeavddalaččat beaivválaččat dahje unnimustá oktii vahkkui
iežas fásta ássanriikii.

Juos barggat rádjebargin nuppi EU-riikkas dahje Edg-riikkas,
dus lea vuoigatvuohta barganriikka doarjagiidda.
Doarjaga oažžumii ii váikkut dat, guđe riikkas ásat.

Sáddejuvvon bargit

Sáddejuvvon bargit leat olbmot,
geaid suomelaš bargoaddi lea sádden bargui olgoriikii.

[Bargogohččun eará go EU-riikii, Edg-riikii, Sveicii
dahje sosiáladorvosoahpamušriikkaide](#)

Juos du bargoaddi sádde du bargui vuollel 6 mánu áigodahkii,
dus lea ain vuoigatvuohta Kela doarjagiidda.
Juos du bargoaddi sádde du bargui badjel 6 mánu áigodahkii,
almmut ovttas bargoaddiin olgoriikkain bargamis Kelai.
Almmuhusa galgá dahkat mañimustá dalle,
go leat máhccamin Supmii.

[Bargogohččun EU-riikii, Edg-riikii dahje Sveicii](#)

Juos du bargoaddi sádde du bargui dáidda riikkaide,
dus lea dábálaččat vuoigatvuohta Kela doarjagiidda.

Bargoaddi galgá ohat dutnje Ealáhatdovoguovddážiis
A1-duođastusa, mainna čujuhat nuppi riikkas,
ahte gulat ain Suoma sosiáladorvui.

Lassidieduid duođastusa ohcamis oaččut
Ealáhatdovoguovddážiis (Eläketurvakeskus):

www.etk.fi

[Bargogohččun riikii,
mainna Suomas lea sosiáladorvosoahpamuš](#)

Juos du bargoaddi sádde du bargui
sosiáladorvosoahpamušriikii,
dus lea dábálaččat ain vuoigatvuohta Kela doarjagiidda.
Bargogohččun sáhtá dalle bistit badjel 6 mánuge.

Du bargoaddi galgá ohat dutnje Ealáhatdovoguovddážiis
sáddejuvvon bargi duođastusa.
Dan oažžu ealáhatdovoguovddážiis.
Duođastusa vuodul Kela dutká,
sáhtágo dutnje ain máksit doarjagiid.

Earát go bargit

Bearašlahtut

Juos fárret olgoriikkaide oktan bearašlahtuin
ja áiggot orrut olgoriikkain guhkimustá 6 mánotbaji,
dus lea dábálaččat vuoigatvuohta Kela doarjagiidda.

Jos fárret ovdamearkka dihte studeantta, sáddejuvvon
bargi, stáhta virgeolbmo dahje ovddidanovttasbarggu bargi
bearašlahttun, sáhtát oažžut Kela doarjagiid,
vaikko ásašit olgoriikkain badjel 6 mánotbaji.

Galggat almmuhit olgoriikkain ássamis Kelai.

Juos fárret EU-riikii ja barggat doppe, váldde čielgasa Kelas,
sáhtátgo oažžut Kela doarjagiid.

Studeanttat ja dutkit

Dus lea vuoigatvuohta Kela doarjagiidda, vaikke studerešit olgoriikkain badjel 6 mánu. Juos studeren bistá badjel 6 mánu ja oaččut Kelas oahpporuđa, Kela dutká, leago dus vuoigatvuohta eará doarjagiidda. Juos it oaččo Kelas oahpporuđa, almmut olgoriikka oahpuin Kelai.

Juos barggat olu studerema lassin, lea vejolaš ahte it oaččo šat Kela doarjagiid. Ná sáhtta leat eandaliige dalle, juos orut EU-riikkas.

Muitte almmuhit Kelai barggus, man don barggat nuppi EU-riikkas. Válde maiddái čielgasa barganriikka sosiáladorvonjuolggadusain.

Vuoigatvuohta Kela doarjagiidda olgoriikkain

Juos dus lea vuoigatvuohta Suoma sosiáladorvui, sáhtát dábálaččat oažžut seamma doarjagiid, maid oččošit Suomas. Olgoriikkaide sáhtta máksojuvvot ovdamearkka dihte mánáidruhta, etniiddoarjja ja eará mánnábearrašiid doarjagiid. Buot Kela doarjagat eai goittotge máksojuvvo olgoriikkaide.

Eurohpálaš buohccedikšunkoarta

Sáhtát ohcat Kelas eurohpálaš buohccedikšunkoartta. Koarta lea nuvttá.

Go dus lea koarta, oaččut fáhkka buohccáma gáibidan divššu EU-riikkas, Edg-riikkas dahje Sveiccas seamma hattiin go báikkálaš ássit.

Sáhtát dingot koartta nehtas čujuhusas www.kela.fi/asiointi

Nehtas sáhtát dingot koartta maiddái iežat mánnái.

Sáhtát dingot koartta maiddái bálvalannummiris **020 692 204**

Ealáhagaid máksin olgoriikii

Juos oaččut ealáhaga ja fárret bissovaččat olgoriikii, Kela máksá dutnje álbmotealáhaga ja bearašealáhaga guhkimustá jagi fárrema maŋŋá.

EU-riikkaide, Edg-riikkaide, Sveicii dahje sosiáladorvosoahpamušriikkaide fárren olbmuide Kela máksá ealáhaga goittotge dábálaččat guhkit áigge.

Bargonávccahisvuodaaláhat máksojuvvo dušše EU-riikkaide, Edg-riikkaide dahje Sveicii.

Dáhkádusealáhat ii máksojuvvo, juos fárret fásta olgoriikkaide.

Bargoealáhagaid čoggomis ja máksimis olgoriikkaide oaččut lassidiedu Ealáhatdovoguovddážiis: www.etk.fi

Fárrenalmmuhus ja doarjagiid ohcan

Almmut Kelai, juos

- leat fárren Supmii ja ozat Kelas doarjaga
- fárret gaskaboddasaččat dahje bissovaččat olgoriikkaide ja oaččut Kelas doarjaga
- máhcat Supmii olgoriikkain ássama maŋŋá ja leat ovdal ožžon Kelas doarjaga.

Muitte almmuhit fárremis maiddái Digi- ja álbmotdiehtodoaimmahakkii (ovddeš magistráhta).

Go fárret Supmii, almmut fárremis maiddái vuolginriikka virgeoapmahaide.

Daga almmuhusa Kelai ja oza doarjagiid neahtas:

www.kela.neahtas

Dárkkis ohcamušas, mat čuvvosat das galget leat mielde. Maiddái čuvvosiid sáhttá sáddet neahtas.

Sáhtát ohcat doarjagiid maiddái skoviin, man oaččut Kela doaimmahagain dahje neahtasiidduin:

www.kela.fi/skovit

Juos ozat doarjaga skoviin, sádde dan Kelai poastta bokte.

Kela poastačujuhush lea

Kela

PL 10

00056 KELA

Juos oaččut dahje leat ohcan Kelas doarjaga, oaččut ruoktot mearrádusa.

Mearrádusas mitaluvvojit doarjaga sturrodat, mearrádusa ákkastallamat ja máksinbeaivi.

Oaččut mearrádusa maiddái dalle, juos dutnje ii leat mieđihuvvon doarjja.

Juos dus ii leat šat vuoigatvuohta Kela doarjagiidda, it sáhte geavahit eurohpalaš buohccedikšungoartta.

Sáhtát dikšut measta buot du Kela-áššiid suomagillii, ruoŋagillii, davvisámegillii dahje engelašgillii maiddái telefovnna bokte.

Juos it máhte suomagiela, ruoŋagiela dahje engelašgiela, sáhtát bivdit Kela-áššiid dikšumii dulkoma. Juos dárbbasat dulkka, váldde oktavuoda Kelain.

Sáhtát máiddái addit nuppi olbmui lobi dikšut Kela-áššiid.

Lassidiedut

Kela Riikkaidgaskasaš áššiid guovddáš addá dieđu Supmii dahje olgoriikkii fárremis:

www.kela.fi/kv-keskus

Diehtu dearvvasvuodabálvalusaid geavaheamis Suomas ja olgoriikkain oaččut neahtas ja šleadgapoastta bokte:

www.eu-terveydenhoito.fi

yhteyspiste@kela.fi

Tietoa Kelan tuista eri kielillä:

www.infofinland.fi

Almmut, juos du dilli nuppástuvvá

Juos du eallindilli nuppástuvvá, dat sáhttá váikkuhit maiddá daidda Kela doarjagiidda, maid don oaččut. Nuppástus sáhttá guoskat ovdamearkka dihte ássama, boađuid, bargama dahje bearašdili.

Muitte fal almmuhit nuppástusain Kelai. Sáhtát dahkat almmuhusa nehtas, telefovnnas dahje doaimmahagas.

Dus lea ovddasvástádus iežat bealis sihkarastit, ahte Kelas leat rivttes dieđut geavahanláhkái. Dalle doarjja máksojuvvo dutnje rivttes sturrosažžan.

Juos mearrádusas lea feaila

Juos leat dan oaivilis, ahte Kela mearrádusas lea feaila, sáhtát ohcat nuppástusa mearrádussii. Oaččut mearrádusa mielde rávvagiid das, mo nuppástus ohccojuvvo.

Juos dus leat jearaldagat, váldde vuos oktavuoda Kelain.



Kela áššiiddikšunbálvalusas nehtas sáhtát

- ohcat doarjagiid
- sáddet čuvvosiid
- dárkkistit ohcamuša dili
- sáddet ságaid
- almmuhit nuppástusain
- heaittihit doarjaga.

Ná Kela bálvala

Nehtas

Loga Kela doarjagiid birra sámegillii:
www.kela.fi/davvisamegillii

Jeara ráđi:
www.kela.fi/kysy-kelasta

Rehkenastte doarjaga meari:
www.kela.fi/laskurit

Divššo áššiid nehtas:
www.kela.fi/neahtas

Neahttabálvalussii galgá čálihit iežas sisa. Dárbbasat neahttabánkodovddaldaga dahje mobiilannehusa.

Doaimmahagas

Dárkkis doaimmahagaid čujuhusaid ja rabasáiggiid nehtas:
www.kela.fi/doaimmahagas

Sámegielat bálvalus

Telefonbálvalus árgan 13–15
020 634 2894

Gáiddusbálvalus árgan 13–15:
www.kela.fi/gaiddusbalvalus

Dárbbasatgo dulkoma?

Loga lasi dulkoma birra:
www.kela.fi/darbbasatgo-dulkka

Telefovnnas

Rabas árgan 9–16.

Áigái bohtindoarjja.....020 692 207

Ássan.....020 692 210

Bearran.....020 634 4940

Bargguhisvuolta.....020 692 210

Buohcan

ja koarttat.....020 692 204

Ealáhagat.....020 692 202

Riikkaidgaskaš dilit

(árgan 10–15).....**020 634 0200**

Studeren ja vearjo-

geatnegasvuolta.....020 692 209

Vánhenvuolta.....020 692 206

Veajuiduhttin ja

lápmásiiddoarjagat.....020 692 205

Várre áiggi

Sáhtát várret áiggi telefovnnas dahje nehtas:
www.kela.fi/varaa-aika

dahje sáddemiin

rávdnjepoastta čujuhussii:

saame@kela.fi

Áiggi várren nehtas ođasmuvvá.

Ođasmuvvama maŋŋá

galggat čálihit iežat sisa,

go háliidat várret áiggi.

Dárbbasat sisačáliheapmái

neahttabánkodovddaldaga

dahje mobiilannehusa.

Kela davvisámegillii

Sámegielat neahttasiiddut:

www.kela.fi/davvisamegillii

Sámegielat gihppagat:

Almmolaš ássandoarjja

Áigáibohtindoarjja

Bargguhisvuolta

Buohcan ja veajuiduhttin

Ealáhagat ja eará doarjagat ealáhatoažžui

■ Fárren Supmii dahje Suomas olgoriikkaide

Mánnábearrašat

Stuðeren ja vearjogeatnegasvuolta

Sámegielat gihppagiid sáhttá čálihit

Kela neahttasiidduin:

www.kela.fi/saamenkieliset-esitteet